

Sve najljepše želje neka vam stanu u 10 posto!

Vjerovatno je i vama kao i nama osjećaj isti... ovaj je decembar stigao tako brzo. Ali, ako se sjetimo samo snijega u januaru i februaru, Europskog prvenstva u fudbalu i Olimpijskih igara u Londonu, vidjet ćemo da vrijeme i nije tako brzo i bezazleno prohujalo u 2012. godini.

Rezultati našeg rada za 2012. su tu. Na pitanje da li smo bili sretniji ili pametniji u ovoj protekloj godini, sigurno znamo već danas i taj odgovor ne treba zadržati samo za sebe.

Ako smo bili sretniji, onda treba i znati da sreća prati hrabre, ali se ne smijemo samo na nju oslanjati, a ako smo bili pametni onda je bitno znati i da je pamet i znanje virus koji treba stalno širiti, jer samo epidemija tog virusa donosi svima sreću. I tako u krug.

Podatak da je bez obzira na sve nedaće koje su nas pratile u godini iza nas, većina napravila dobar rezultat i bila sretna, ohrabljuje i daje podstreka za 2013.

U 2013. želimo vam pameti i znanja, sreće i blagostanja. Da vam promet raste 10%, da vam



troškovi padnu za 10%, da vam potraživanja budu manja za 10%, da vam profit bude veći za 10% i da broj radnika poraste za 10%.

Nadam se da ćemo vam mi, InStore magazin, u tome pomoći i da vaš uspjeh i vrijednost dođe do onih koji to trebaju znati, kako bi uspjeh bio zajednički.

Sretna Nova 2013. godina!

Redakcija InStore magazina